

Sanhgyangh:

Mbanjdung Ciengqgok 《Gou Caeuq Guekcoj Gou》

Ndwen 9 ngoenz 22, youq Sanhgyangh Dungcuz Swciyen Gujyiz Cin Dohyeh Gvangjangz, vunzlai Mbanjdung ndang daenj buhvaq minzcuz, fwngz gaem mbaw geizguk iq, angq ciengq go 《Gou Caeuq Guekcoj Gou》.

Ngoenzhaenx, Sanhgyangh Dungcuz Swciyen banh aen hozdung “goepingj gingqdaeuz yapvaiq”, yungh neix soengqlaex Cunghvaz Yinzminz Gunghozgoz laebbaenz 70 hopbi, yinx ndaej siminz caeuq bouxhek gag bae caeuqfaenh, caezgya caemh ciengqgok 《Gou Caeuq Guekcoj Gou》, doengvraq cungj fuengsik neix hohfuk guekcoj, yungh gij singgo caensaed, ciengq ok gij gyaenz mbanjranz, gangjok gij miznaj gyoengqde gyaenz guek, gyaenz ranz. (Vuz Lenyinh/吴练勋)



◀ Bohranz
daiq lwgnyez
daeuj caeuq-
faenh.



▲ Vunzlai Dungcuz ndang daenj buhvaq minzcuz, fwngz gaem mbaw geizguk iq, ciengq 《Gou Caeuq Guekcoj Gou》.



▲ Vunzlai aeu lwgmanh caeuq haeuxyangz gap baenz cihsaw caeuq mbaw geizguk.

Lungzswng: Mbanjcuengh Seizcou Dak Doxgaiq Heiq Seizcou Noengz

Ndwen 9 ngoenz 21, youq Lungzswng Gak Cuz Swciyen Lungzciz Cin Majhaij Cunh, vunzlai Boux-cuengh cingq dak doxgaiq. Mboengqneix, Lungzswng Gak Cuz Swciyen Lungzciz Cin Majhaij Cunh daengz seiz dajsou, vunzlai dangdieg youq dieg dak doxgaiq aeu lwgmanh, haeuxyangz, haeuxnaz daengj doxgaiq reihnaz sou ndaej haenx gap baenz doz, veh ok fuk veh seizcou dak doxgaiq ndeu, yungh gij fuengsik daegbied neix angqcoux Cunghvaz Yinzminz Gunghozgoz laebbaenz 70 hopbi.

(Banh Cisiengz/潘志祥)

Lozcwngz: Ciengqgo Diuqfoux Soengqlaex Cunghvaz Yinzminz Gunghozgoz Laebbaenz 70 Hopbi

Ndwen 9 ngoenz 19 ban-haemh, 51 boux bouxhag aen ban son'gyauq ganbu bouxcoz geiz daihcibsei Lozcwngz Mulaujcuz Swciyen gag bien gag yienj ciengz vanjvei yienjheiq ndeu, langhbaij gij yienghsiengq cingsaenz mbanjbya Mulauj ganbu bouxcoz daihneix dingjmaenh muzlien dangjsing, gamj guh, caen guh baenaj, cingsaenz gvaekgvaek, yungh neix soengqlaex Cunghvaz Yinzminz Gunghozgoz laebbaenz 70 hopbi.

(Mungz Cwnghswh/蒙增师)



▲ Bouxhag caez yienj ciengqgo.

Ningzmingz Yen Guh Gij Hozdung Vwnzva Angqhoh Cunghvaz Yinzminz Gunghozgoz Laebbaenz 70 Hopbi



▲ Gyoengq bouxyienj caemh hwnj daiz yienjheiq.

hozdung vwnzva vunzlai caeuqfaenh, fungfouq gij ndwenngoenz cingsaenz vwnzva gyoengq vunzlai, yungh gij heiqfaenh vwnzva naekna neix angqhoh Cunghvaz Yinzminz Gunghozgoz laebbaenz 70 hopbi, caenh' itbough doidoengh saedyienh hwnjguh aen moegbiu aen yienh vwnzva Gvangjsih.

(Couh Yizgangh Fungz Yungjdanh/周贻刚 冯永丹)

Mboengqneix, Ningz-mingz Yen doengh aen bouhmonz guhhong senh-conz vwnzva gaenxmaenx sonyinx gak aen doih yienjheiq gihcwngz haeuj-laeg haiguh angqhoh Cunghvaz Yinzminz Gung-hozgoz laebbaenz 70 hopbi cawjdaez vwnzyi cauhguh caeuq baenzdauq hozdung vwnzva. Doengvraq gak cungj vwnzyi hingzsik, gvangqlangh haiguh gij